

# КАФИСМА ПЯТНАДЦАТАЯ

Аллилуиа, 105

<sup>1</sup> Исповéдайтеся Гóсподеви, я́ко Благ, я́ко в век мѝлость Его. <sup>2</sup> Кто возглаго́лет сѝлы Господни? Слы́шаны сотвори́т вся хвалы́ Его? <sup>3</sup> Блажéни храня́щие суд и творя́щие правду во всякое вре́мя. <sup>4</sup> Помяни́ нас, Гóсподи, во благово́лении люде́й Твои́х, посети́ нас спасéнием Твои́м. <sup>5</sup> Видети во бла́гости избра́нныя Твоя́, возвесели́тся в весéлии языка́ Твоего́, хвалѝтся с досто́яннем Твои́м. <sup>6</sup> Согрешѝхом со отцы́ нашими, беззакóнновахом, неправдовахом. <sup>7</sup> Отцы́ наши во Егѝпте не разумéша чудес Твои́х, ни помяну́ша мно́жества мѝлости Твоея́ и преогорчи́ша восходя́ще в Чермное́ мо́ре. <sup>8</sup> И спасé их ѝмене Своего́ ра́ди, сказа́ти сѝлу Свою́, <sup>9</sup> и запрети́ Чермному́ мо́рю, и изся́че, и наста́ви я́ в бездне, я́ко в пусты́ни. <sup>10</sup> И спасé я́ из руки́ ненави́дящих, и изба́ви я́ из руки́ враго́в. <sup>11</sup> Покры́ вода́ стужа́ющыя им, ни еди́н от них избы́сть. <sup>12</sup> И véроваша словеси́ Его, и воспéша хвалу́ Его. <sup>13</sup> Ускори́ша, забы́ша дела́ Его, не стерпéша со́вета Его <sup>14</sup> и похотéша желáнию в пусты́ни, и искуси́ша Бóга в безводней. <sup>15</sup> И даде́ им проше́ние их, посла́ сы́тость в ду́шы их. <sup>16</sup> И прогне́ваша Моисе́а в стану́, Аарóна свята́го Господня́. <sup>17</sup> Отвэ́рзеса земля́ и пожре́ Дафáна, и покры́ на со́нмищи Авирóна, <sup>18</sup> и разжжéся огонь в со́нме их, пла́мень попали́ грéшники. <sup>19</sup> И сотвори́ша тельца́ в Хорѝве, и поклонѝшася истукáнному, <sup>20</sup> и измени́ша сла́ву Его в подобие тельца́ я́дущаго траву́, <sup>21</sup> и забы́ша Бóга спаса́ющаго их, сотво́ршаго вéлия во Егѝпте, <sup>22</sup> чудеса́ в землі́ Ха́мове, страшная́ в мо́ри Чермнѝм. <sup>23</sup> И рече́ потребѝти их, а́ще не бы Моисе́й, избра́нный Его, стал в сокруше́нии пред Ним, возвратѝти я́рость Его, да не погубѝт их. <sup>24</sup> И уничижи́ша зéмлю желáнную, не я́ша véры словеси́ Его, <sup>25</sup> и поропта́ша в селéниях свои́х, не услы́шаша гла́са Господня́. <sup>26</sup> И воздви́же ру́ку Свою́ на ня, низложи́ти я́ в пусты́ни. <sup>27</sup> И низложи́ти се́мя их во язы́цах, и расточи́ти я́ в страны́. <sup>28</sup> И причастѝшася Веельфегóру, и снедóша жéртвы мёртвых. <sup>29</sup> И раздражи́ша его

в начинаниих своих, и умножися в них падение. <sup>30</sup> И ста Финеес, и умилостиви, и престá сечь. <sup>31</sup> И вменися ему в правду, в род и род до века. <sup>32</sup> И прогневаша Его на водé пререкания, и озлоблен бысть Моисей их ради, <sup>33</sup> яко преогорчиша дух его и разнствова устнами своима. <sup>34</sup> Не потребиша языки, яже рече Господь им, <sup>35</sup> и смесишася во языцех, и навикоша делом их. <sup>36</sup> И поработаша истуканным их, и бысть им в соблазн, <sup>37</sup> и пожроша сыны своя и дщери своя бесовом, <sup>38</sup> и пролияша кровь неповинную, кровь сынов своих и дщерей, яже пожроша истуканным ханаанским, и убиена бысть земля их кровью, <sup>39</sup> и осквернися в делех их, и соблудиша в начинаниих своих. <sup>40</sup> И разгневался яростию Господь на люди Своя, и омерзи достояние Своё, <sup>41</sup> и предаде я в руки врагов, и обладаша ими ненавидящии их. <sup>42</sup> И стужиша им врази их, и смиришася под руками их. <sup>43</sup> Множицею избави я, ти же преогорчиша Его советом своим и смиришася в беззакониих своих. <sup>44</sup> И виде Господь, внегда скорбети им, внегда услышаше моление их. <sup>45</sup> И помяну завет Свой, и раскаяся по множеству милости Своея, <sup>46</sup> и даде я в щедроты пред всеми пленившими я. <sup>47</sup> Спаси ны, Господи Боже наш, и собери ны от язык исповедатися имени Твоему святому, хвалитися во хвале Твоей. <sup>48</sup> Благословен Господь Бог Израилев от века и до века. И рекут вси людие: буди, буди.

Слава:

### Аллилуиа, 106

<sup>1</sup> Исповедаетея Господеву, яко Благ, яко в век милость Его. <sup>2</sup> Да рекут избавлени Господем, ихже избави из руки врага <sup>3</sup> и от стран собра их, от восток и запад, и севера, и моря. <sup>4</sup> Заблудиша в пустыни безводней, пути града обительнаго не обретоша. <sup>5</sup> Алчуще и жаждуще, душа их в них исчезе. <sup>6</sup> И возваша ко Господу, внегда скорбети им, и от нужд их избави я, <sup>7</sup> и настави я на путь прав, внити во град обительный. <sup>8</sup> Да исповедатся Господеву милости Его, и чудеса Его сыновом человеческим, <sup>9</sup> яко насытил есть душу тщу и душу алчущу исполни благ. <sup>10</sup> Седящия во тьме и сени смертней, окованныя нищетою и железом, <sup>11</sup> яко преогорчиша словеса Божия и совет

Вы́шняго раздражи́ша. <sup>12</sup> И смири́ся в трудѣхъ сѣрдце ихъ, и изнемогѡша, и не бе помога́яй. <sup>13</sup> И воззва́ша ко Гѡсподу, внигда́ скорбѣти имъ, и от нуждъ ихъ спасе́ я, <sup>14</sup> и изведе́ я из тьмы и сѣни смѣртныя, и ўзы ихъ растерза́. <sup>15</sup> Да исповѣдятся Гѡсподеви мѣлости Его, и чудеса́ Его сыновѡмъ человѣческимъ, <sup>16</sup> яко сокруши́ врата́ мѣдная и вереи́ желѣзныя сломи́. <sup>17</sup> Восприятъ я́ от пути́ беззакѡнiя ихъ, беззакѡний бо ра́ди свои́хъ смири́шася. <sup>18</sup> Всякаго бра́шна возгнуша́ся душа́ ихъ, и прибли́жишася до вратъ смѣртныхъ. <sup>19</sup> И воззва́ша ко Гѡсподу, внигда́ скорбѣти имъ, и от нуждъ ихъ спасе́ я, <sup>20</sup> посла́ сло́во Своѣе и исцели́ я, и изба́ви я́ от растлѣний ихъ. <sup>21</sup> Да исповѣдятся Гѡсподеви мѣлости Его, и чудеса́ Его сыновѡмъ человѣческимъ, <sup>22</sup> и да пожру́т Ему́ жѣртву хвалы́, и да возвестя́т дела́ Его в ра́дости. <sup>23</sup> Сходя́щи в мо́ре в кораблѣхъ, творя́щи дѣлания в вода́хъ мно́гихъ, <sup>24</sup> ти́и ви́деша дела́ Господня́ и чудеса́ Его во глубинѣ. <sup>25</sup> Рече́, и ста духъ бу́рен, и вознесѡшася во́лны его, <sup>26</sup> восхо́дят до небѣсъ и низхо́дят до безднъ, душа́ ихъ в злыхъ та́яше: <sup>27</sup> смято́шася, подвиго́шася, яко пия́ный, и вся му́дрость ихъ поглощена́ бысть. <sup>28</sup> И воззва́ша ко Гѡсподу, внигда́ скорбѣти имъ, и от нуждъ ихъ изведе́ я, <sup>29</sup> и повеле́ бу́ри, и ста в тишинѹ́, и умолко́ша во́лны его́. <sup>30</sup> И возвесели́шася, яко умолко́ша, и наста́ви я́ в пристанище хотѣния своего́. <sup>31</sup> Да исповѣдятся Гѡсподеви мѣлости Его, и чудеса́ Его сыновѡмъ человѣческимъ: <sup>32</sup> да вознесу́т Его в це́ркви людстей́ и на седа́лищи ста́рецъ восхва́лят Его. <sup>33</sup> Положи́л есть́ ре́ки в пусты́ню, и исхо́дища водна́я в жа́жду, <sup>34</sup> зѣмлю плодонѡсную в слано́сть, от зло́бы живу́щих на ней. <sup>35</sup> Положи́л есть́ пусты́ню во езе́ра водна́я и зѣмлю безводную́ во исхо́дища водна́я. <sup>36</sup> И насели́ тамо́ алчущыя, и соста́виша гра́ды обита́льны, <sup>37</sup> и насе́яша се́ла, и насади́ша виногра́ды, и сотвори́ша плодъ жи́тен. <sup>38</sup> И благослови́ я́, и умно́жишася зело́, и скоты́ ихъ не ума́ли. <sup>39</sup> И ума́лишася, и озлоби́шася от ско́рби золъ и болѣзни. <sup>40</sup> Излия́ся уничи́жение на кня́зи ихъ, и облазни́ я́ по непрохо́дней, а не по пути́. <sup>41</sup> И помо́же убо́гу от нищеты́ и положи́ яко́ овцы́ оте́чества. <sup>42</sup> Узря́т пра́ви и возвеселя́тся, и всякое́ беззакѡние заградитъ уста́ своя́. <sup>43</sup> Кто премудръ и сохранитъ сия́? И уразуме́ют мѣлости Господни.

Слава:

<sup>1</sup> Песнь, псалом Давиду, 107

<sup>2</sup> Готово сердце мое, Боже, готово сердце мое: воспою и пою во славе моей. <sup>3</sup> Востани слава моя, востани псалтирю и гусли, востану рано. <sup>4</sup> Исповемся Тебе в людех, Господи, пою Тебе во языцех. <sup>5</sup> Яко велия верху небес милость Твоя и до облак истина Твоя. <sup>6</sup> Вознесися на Небеса, Боже, и по всей земли слава Твоя, <sup>7</sup> яко да избавятся возлюбленнии Твои: спаси десницею Твоею и услыши мя. <sup>8</sup> Бог возглагола во святем Своём: вознесуся и разделю Сикиму, и удолю селений размерю. <sup>9</sup> Мой есть Галаад и Мой есть Манассий, и Ефрем заступление главы Моея, Иуда царь Мой. <sup>10</sup> Моав коноб упования Моего на Идумею наложу сапог Мой: Мне иноплеменицы покорятся. <sup>11</sup> Кто введет мя во град ограждения? Или кто наставит мя до Идумеи? <sup>12</sup> Не Ты ли, Боже, отринувый нас? И не изыдеши, Боже, в силах наших? <sup>13</sup> Дадь нам помощь от скорби, и суетно спасение человеческо. <sup>14</sup> О Бозе сотворим силу, и Той унижит враги наша.

В конец, псалом Давиду, 108

<sup>1</sup> Боже, хвалы моея не премолчи, <sup>2</sup> яко уста грешника и уста льстиваго на мя отверзошася, глаголаша на мя языком льстивым, <sup>3</sup> и словеси ненавистными обидоша мя, и брашася со мною туне. <sup>4</sup> Вместо еже любити мя, оболгаху мя, аз же моляхся, <sup>5</sup> и положиша на мя злая за благая, и ненависть за возлюбление мое. <sup>6</sup> Постави на него грешника, и диавол да станет одесною его. <sup>7</sup> Внегда судитися ему, да изыдет осужден, и молитва его да будет в грех. <sup>8</sup> Да будут дни его мали, и епископство его да примет ин: <sup>9</sup> да будут сынове его сиря, и жена его вдова: <sup>10</sup> движущися да преселятся сынове его и воспросят, да изгнани будут из домов своих. <sup>11</sup> Да взыщет заимодавец вся, елика суть его, и да восхитят чуждии труды его. <sup>12</sup> Да не будет ему заступника, ниже да будет ущедряяй сироты его. <sup>13</sup> Да будут чада его в погубление, в роде едином да потребится имя его. <sup>14</sup> Да воспомянется беззаконие отец его

пред Господем, и грех матери его да не очистится. <sup>15</sup> Да будут пред Господем вину и да потребится от земли память их. <sup>16</sup> Занеже не помяну сотворити милость, и погна человека нища и убога, и умилена сердцем умертвити. <sup>17</sup> И возлюбил клятву, и придет ему, и не восхотел благословения, и удалится от него. <sup>18</sup> И облечется в клятву яко в ризу, и вниде яко вода во утробу его, и яко елей в кости его. <sup>19</sup> Да будет ему яко риза, в нюже облачится, и яко пояс, имже вину опоясуется. <sup>20</sup> Сие дело оболгающих мя у Господа и глаголющих лукавая на душу мою. <sup>21</sup> И ты, Господи, Господи, сотвори со мною имене ради Твоего, яко блага милость Твоя. <sup>22</sup> Избави мя, яко нищ и убог есмь аз, и сердце мое смятется внутрь мене. <sup>23</sup> Яко сень, вниде, вниде ей, отяхся, стряхся яко прутьи. <sup>24</sup> Колена моя изнемогоста от поста, и плоть моя изменися ела ради. <sup>25</sup> И аз бых поношение им, видеша мя, покиваша главами своими. <sup>26</sup> Помози ми, Господи Боже мой, и спаси мя по милости Твоей, <sup>27</sup> и да разумеют, яко рука Твоя сия, и Ты, Господи, сотворил еси ю. <sup>28</sup> Прокленут тии, и Ты благословиши, востающие на мя да постыдятся, раб же Твой возвеселится. <sup>29</sup> Да облекутся оболгающие мя в срамоту, и оденутся, яко одеждею, студом своим. <sup>30</sup> Исповемся Господеву зело усты моими, и посреди многих восхвалю Его, <sup>31</sup> яко предста одесную убогаго, еже спасти от гонящих душу мою.

Слава:

**По 15-й кафисме, Трисвятое.**

*Таже тропари, глас 1:* Яко пучина многа прегрешений моих, Спасе, и люте погрузихся согрешеньми моими: даждь ми руку, яко Петрови, и спаси мя, Боже, и помилуй мя.

*Слава:* Яко помышлению лукавыми и дела осудихся, Спасе, мысль ми даруй обращения, Боже, да зову: спаси мя, Благодетелю Благий, и помилуй мя.

*И ныне:* Богоблаженная Отроковице и Пренепорочная, скверна мя суща и окаянна от деяний безместных, и скверных помышлений, очисти мя, окаяннаго, Нескверная и Чистая, Всесвятая Мати Дево.

Господи, помилуй (40) и молитва:

Владыко Господи Иисусе Христе, Ты еси Помощник мой, в руках Твоих есмь аз, помози ми, не остави мене согрешити к Тебе, яко заблужден есмь, не остави мя последовати воли плоти моея, не презри мя, Господи, яко немощен есмь. Ты веси полезное мне, не остави мя погибнути грехи моими, не остави мя, Господи, не отступи от мене, яко к Тебе прибегах, научи мя творити волю Твою, яко Ты еси Бог мой. Исцели душу мою, яко согреших Ти, спаси мя ради милости Твоея, яко пред Тобою суть вси стужающие ми, и несть мне иное прибежище, токмо Ты, Господи. Да постыдятся убо вси востающие на мя и ищущии душу мою, еже потребити ю, яко Ты еси Един Сильный, Господи, во всех, и Твоя есть слава во веки веков, аминь.